

Casimir Schmid remplazza Toni Schmid

Fiasta da diplom dalla scola professionala industrialia dil Center da formaziun Surselva

■ (cp) A caschun dalla fiasta da diplom dalla partiziun Scola professionala industrialia dil Center da formaziun Surselva ha il moderatur dalla fiasta e co-menader dalla Scola professionala industrialia saviu gratular a 94 emprendistas ed emprendists tier lur diplom. Schneller ha denter auter fatg attents sillas midadas dil davos onn da scola. La Scola professionala industrialia ei dapi ils 01-01-2011 part dil Center da formaziun Surselva che ha dapi ils 30-06-2011 in niev logo. Dils 94 diplomands e diplomandas ein 65 dalla Scola professionala industrialia e 29 lennaris digl entir cantun Grischun. Dils 69 candidats dalla Scola professionala industrialia han 65 dumignau ils examens finals, pia rodund 95%. Quarter persunas han contonschiu ina nota el rang (5,3 e dapli). Quei ein igl installatur d'electro *Curdin Flepp* da Mustér cun nota 5,4 ed il miradur *Rui Filipe Rodrigues da Silva* da Glion, il scrinari *Thomy Sgier* da Vella ed il bostger *Simon Casanova* da Schluein cun la nota 5,3.

Erwin Walker, president dalla secziun grischuna dalla Societad svizra dallas interpresas da lenn ha astgau surdar 29 diploms a lennaris ord igl entir cantun Grischun.

Casimir Schmid per Toni Schmid

Martin Mathiuet, cau dil departament fomaziun dalla Regiun Surselva, ha engraziu a *Toni Schmid*, menader dalla Scola professionala industrialia per la lavur prestada durant ils davos onns e priu cumiau dad el sco menader. Schmid hagi prestau lavur admirabla e grondiusa per la Scola professionala industrialia. Mathiuet ha gest nezegiau la caschun e presentau il niev menader dalla Scola professionala industrialia, *Casimir Schmid*. Schmid surpren naven digl onn da scola 2011/2012 la responsabladad pedagogica per la scola, instruescha ina part sco scolast professiona diplomau e fa part dalla direcziun da scola generala dil Center da formaziun Surselva. El instruescha gia oz en

pensum parzial alla Scola professionala industrialia ed ei ina personalitad renouschida da scolarAs e scolastAs

Plaid festiv

Sep Cathomas, president dalla Regiun Surselva e cusseglier naziunal, ha tenu il plaid festiv. Tenor Cathomas eis ei prudent sch'ils diplomands emblidan per entgens meins ils cudischs da scola e la scola. Aschia ina pausa detti a tgierp ed olma nova forza per novas prestaziuns e curascha per novas finamiras. Ins duessi denton buc emblidar che tgi che ruassi memia ditg fetschi ruina. Surtut el temps dad oz seigi ei da gronda impurtonza dad haver savida generala e habilitads generalas el mistregn.

Per gl'accumpignament musical d'ront la fiasta ha *Sina Halter*, scolara dalla Scola da musica dil Center da formaziun Surselva, procurau.

Miradurs

Rodrigues da Silva Rui Filipe, Schnaus tier Valaula Berni AG Rueun; *Arpagaus Livio*, Laax, tier Casutt AG Falera; *Bundi Corsin*, Cumbel, tier Savoldelli Tanno SA, Vella; *Cabalzar Claudio*, Siltginas/Sumvitg tier Beer SA Rabius; *Candinas Silvio*, Mustér tier STRABAG AG Mustér; *Collenberg Remigi*, Lumbrein, tier Collenberg SA Lumbrein; *Della Morte Ronny*, Glion tier Schmid Richard SA Glion; *Gruber Josef*, Via Alpsu, Rueras, tier Loretz SA Sedrun; *Hamza Samel*, Glion tier Valaula Berni SA Rueun; *Monn Roman*, Sedrun, tier Loretz SA Sedrun; *Sgier Danilo*, Tersnaus, tier CCS Bau Ilanz Glion; *Tuor Damian*, Sumvitg, tier Beer SA Rabius

Miradur (emprendissadi supplementar)

Decurtins Samuel, Rabius, tier Beer SA Rabius

Scrinaris

Sgier Thomy, Vella, tier Scrinaria Weishaupt GmbH Vella; *Capaul Ciril*, Surcasti, tier Battaglia Casaulta AG Sagogn; *Dermont Gian-Luca*, Rueun, tier Spescha SA Rueun; *Gurtner Roc*, Flem-vitg tier Holzbau Candrian Partner AG, Flem-vitg; *Moser Benjamin*, Zignau, tier Tarcisi Maissen SA Trun; *Osmani Haldis*, Val S. Pieder tier Gartmann Andreas AG Val S. Pieder

Scrinari (emprendissadi supplementar)

Decurtins Michele, Darvella/Trun, tier Tarcisi Maissen SA Trun

Mechatronicher d'autos

Gantenbein Beat, Castrisch, tier Aldo Beeli AG Glion; *Paulin Mattia*, Glion, tier Garage Cafilisch SA Glion



Il menader partent dalla Scola professionala Surselva Toni Schmid (sen.) e siu successur Casimir Schmid (dretg).

FOTOS MAD

Expert d'autos

Cathomas Gian, Dardin, tier Garage Cathomas SA, Tavanasa; *Tinner Christian*, Obersaxen/Friggahüs tier Garage Allenspach, Glion.

Pasterner-conditer

Durschei Carla, Mustér, tier pasternaria conditoria Mustér; *Pfister Carmen*, Trun, Pasternaria S. Gabriel Breil; *Schnoz Martin*, Rueun, Pasternaria Romana Laax.

Designader da construcziun

De Viet LevienSeglias, Schluein, tier Cavigelli e partenaris SA Glion.

Frisunza

Caderas Ursina, Luven, tier Salon Erica Glion; *Caveng Nina*, Castrisch, tier Bundi Isidor Glion

Vernischadra da carrossaria

Schuoler Anna Tina, Mustér, Garage O. Stock AG Zizers

Installatur d'electro

Flepp Curdin, Mustér, tier Alpiq InTec Ost AG Trun, *Arpagaus Fabian*, Sursaiassa, tier Alpiq InTec Ost AG Sursaiassa; *Beer Pascal*, Mustér, tier Alpiq InTec Ost AG, Mustér; *Monn Tizian*, Sedrun, tier Energia alpina Sedrun

Expert da carn

Cavegn Severin, Breil, tier Mazlaria Schmed, Breil.

Bostger

Casanova Simon, Schluein, Revier forestal Rueun; *Cathomen Dominic*, Laax, tier Uffeci forestal Sagogn Laax; *Pally Franco*, Curaglia, tier Revier forestal Medel/Curaglia

Dessignadra da construcziun aulta

Caminada Bettina, Vrin, Curschellas + Gasser Glion

Installatur da scaldamanent

Albin Ivo, Trun, tier Rafael Guldimmann GmbH Trun; *Arpagaus Dario*, Uors tier Schleich & Collenberg SA Glion

Decoratura interna/umbrivals

Muoth Martina, Breil, tier Maurus Cathomas Glion

Cuschinier

Ulmann Simon, Mustér, tier Hotel Rhätia Mustér

Mecanist da maschinas agricolas

Cathomas Corsin, Breil, tier Garage Cathomas SA Tavanasa; *Giossi Andri*, Rueras, tier Garascha Plauns Rueras

Construcziun da metal (fravi)

Alig Sandro, Vrin, tier Caviezel Oscar Vrin;

Montader d'electro

Caviezel Ramon, Vella, tier Electro Soller SA Vella; *Ramedovic Damijan*, Luven, tier Derungs

Electro SA Glion; *Derungs Elias* tier Alpiq InTec Ost AG Ilanz

Pictura

Monn Ladina, Sedrun, tier Frars Venzin picturia Rueras

Electronicer da multimedia

Jacomet Daniel, Sedrun, tier Avitec GmbH Cuera; *Perl Veronika*, Glion, tier Repower AG Glion; *Tomaschett Sven*, Trun, tier Arco radio tv hifi video Laax

Electricist da reit

Pally Livio, Danis, tier Repower AG Glion

Polymecanist

Krzyzanowski Fabian, Mustér, tier Distec AG Mustér; *Schuoler Flavio*, Segnas, tier Distec AG Mustér

Installatur sanitar

Casanova Ursin, Sursaiassa, tier Oscar Caduff Cumbel; *Cavegn Silvan*, Rueras, tier Hendry SA Sedrun; *Lombris Dario*, Vella, tier Caduff Haustechnik AG Vattiz; *Manetsch Remo*, Mustér, tier Lutz installaziuns SA Mustér; *Tomaschett Jan*, Rueun, tier Oscar Caduff Cumbel

Lennari

Alig Remo, Ruschein, tier Lennaria Ruschein; *Beer Maurus*, Sevegin, tier Coray Holzbau AG Glion; *Bundi Maurus*, Sagogn, tier Coray Holzbau AG Glion.



Simon Casanova da Schluein cul meglier examen tiels bostgers.



Tomy Sgier da Vella cul meglier examen dils scrinaris.



Toni Schmid gratulescha a Curdin Flepp da Mustér che ha fatg il meglier examen cun ina nota da 5,4.




Rui Filipe Rodrigues da Silva cul meglier examen dils miradurs.

Patrick Bruggmann expona en la Cuort Ligia Grischa

■ (cp) Il pictur-artist *Patrick Bruggmann* presenta sias novas ovras el *Museum Sursilvan Cuort Ligia Grischa* a Trun. El ei oriunds da *Niederwil SG*, viva e lavura oz denton a *Turigt*. Gia d'afon ei siu talent da malegiar semanifestaus. E cun 18 onns han amitgs organisau sia emprema expositiun. Il success ha animau el d'eleger la clamada d'artist. Bruggmann ei autodidact, el applichescha ina tecnica persunala e singulara. Per scaffir ses maletgs pastus en colurs intensivas drova el la paletta e buc il pennel. Leutier sesurvescha el buca da colurs dad ieli, mobein d'ina massa speciala da plastic ch'el streha sin plattas da lenn. Ses maletgs survegnan aschia ina plasticidad

enorma e la paretta da treis dimensiuns. Tier in maletg dalla Toscana per exempel paran las flurs papaver davontier quasi da sedistanziar dil funs. Il resultat ein maletgs vivs e glischonts en ina tensiun permanenta denter glisch ed umbriva. A Trun expona el ina elecziun da maletgs ch'ei dedicati alla Toscana, ina cuntrada varionta ch'ha impressiunau el fermein. Mo era nies cantun e nossa regiun stattan a cor ad el. Diversas picturas datan perdetga da sia predilecziun per nossas vals e nossas muntognas.

La vernissascha ei sonda, ils 16-07-2011 allas 17.00 en la Cuort Ligia Grischa. L'expositiun cuoza entochen ils 03-09-2011.



Pictura «Val Lumnezia» digl artist Patrick Bruggmann. MAD